

PLATFORMA

za prisustvo ministra regionalno-investicionog razvoja i saradnje sa nevladinim organizacijama, Ernada Suljevića, kulturnoj manifestaciji "Dani bjelopoljske i petnjičke kulture u Sarajevu", koja će se održati 26. i 27. septembra 2025. godine, u Sarajevu, Federacija Bosna i Hercegovina

OPŠTE INFORMACIJE

Ministar regionalno-investicionog razvoja i saradnje sa nevladinim organizacijama Crne Gore, Ernad Suljević, boraviće u zvaničnoj posjeti Federaciji Bosne i Hercegovine, gradu Sarajevu, zbog prisustva kulturnoj manifestaciji "Dani bjelopoljske i petnjičke kulture u Sarajevu", koja će se održati 26. i 27. septembra 2025. godine, u Sarajevu, Federacija Bosna i Hercegovina. Poziv za posjetu je uslijedio od strane Udruženja građana porijeklom iz Sandžaka.

ZNAČAJ POSJETE

Prisustvo na kulturnoj manifestaciji "Dani bjelopoljske i petnjičke kulture u Sarajevu" je prilika za jačanje kulturnih veza, promovisanje regionalne saradnje i podrška inicijativama koje doprinose kulturnoj razmjeni i razvoju zajednica. Prisustvo ovom događaju potvrđuje da se vrijednosti zavičaja prepoznaju i poštuju i van njegovih granica. To je prilika da zajedno gradimo mostove prijateljstva, razumijevanja i međusobnog uvažavanja, dok istovremeno čuvamo ono što nas je oblikovalo – jezik, i kulturu. Država Crna Gora neguje tradicionalno dobre odnose sa Federacijom Bosne i Hercegovine, ova posjeta, kao i susreti sa članovima udruženja građana porijeklom iz Sandžaka, predstavljaju priliku da postojeće veze se dodatno osnaže i unaprijede. S obzirom na to da je riječ o manifestaciji posvećenoj danima bjelopoljske i petnjičke kulture, opštine koje čine važan dio sjevernog regiona naše države, ovaj događaj ima poseban značaj. On predstavlja dodatni podsticaj za realizaciju zajedničkih programa i doprinosi stvaranju uslova za snažniji regionalni razvoj.

SASTAV DELEGACIJE

Članovi Delegacije su:

1. Ernad Suljević, ministar;
2. Mirsada Bošnjak, državna sekretarka

PREDLOG ZAKLJUČAKA

1. Vlada Crne Gore je, na sjednici održanoj _____, razmotrila i utvrdila Predlog platforme o prisustvu ministra ministarstva regionalno-investicionog razvoja i saradnje sa nevladinim organizacijama, Ernad Suljević, kulturnoj manifestaciji "Dani bjelopoljske i petnjičke kulture u Sarajevu", koja će se održati 26. i 27. septembra 2025. godine, u Sarajevu, Federacija Bosna i Hercegovina a kojom prilikom će boraviti u zvaničnoj posjeti Federaciji Bosne i Hercegovine, gradu Sarajevu.
2. Vlada Crne Gore je utvrdila sastav delegacije, koju čine:
 - Ernad Suljević, ministar Ministarstva regionalno-investicionog razvoja i saradnje sa nevladinim organizacijama, šef delegacije,
 - Mirsada Bošnjak, državna sekretarka
3. Zadužuje se Ministarstvo regionalno-investicionog razvoja i saradnje sa nevladinim organizacijama, da po povratku delegacije, izvijesti Vladu o rezultatima posjete